

Tabellar for fylkeskommunane

Tabell 1-fk

Tabell 2-fk

Tabell 3-fk

Tabell A-fk

Tabell B-fk

Tabell C-fk

Tabell D-fk

Tabell E-fk

Tabell 1-fk

Rammetilskot til fylkeskommunane 2017

Rammetilskotet til fylkeskommunane blir løyvd over kap. 572 post 60–64 på statsbudsjettet. Samla rammetilskot er vist i kolonne 4 – *Sum rammetilskot 2017*.

Innbyggjartilskotet med utgiftsutjamning er basert på talet på innbyggjarar per 1. juli 2016. Skatteutjamninga skjer gjennom budsjettåret, etter kvart som skatteinntektene er kjende. I skatteutjamninga blir det nytta innbyggjartal per 1. januar 2017 og rammetilskotet til den einskilde fylkeskommune blir justert i høve til skatteutjamninga. Endeleg skatteutjamning er ikkje klar før i februar 2018, og er såleis ikkje med i berekninga av rammetilskotet i denne tabellen. Endeleg rammetilskot blir altså først klart i februar 2018.

Kolonne 1 – Innbyggjartilskot (post 60)

Kolonne 1 viser innbyggjartilskotet medrekna utgiftsutjamning, tilskot med særskild fordeling og overgangsordninga for nytt inntektssystem. Sjå tabell 2-fk for meir detaljert dokumentasjon av innbyggjartilskotet.

Kolonne 2 – Nord-Noreg-tilskot (post 62)

Nord-Noreg-tilskotet blir berekna som ein sats per innbyggjar til fylkeskommunane i Nord-Noreg. Tilskotet er basert på talet på innbyggjarar per 1. januar 2016. Satsane for 2017 er oppjustert med halvparten av den kommunale deflatoren for 2016–2017.

Fylkeskommune	Kroner per innbyggjar
Nordland	1 193
Troms	1 358
Finnmark	1 855

Kolonne 3 – Skjønstilskot (post 64)

Kolonne 3 viser fordelinga av basisramma av skjønstilskotet til fylkeskommunane for 2017. Departementet føreslår å sette av 509 mill. kroner i basisramme til fylkeskommunane. Kompensasjon for høgare differensiert arbeidsgjevaravgift er ført vidare nominelt frå 2016, og utgjer 139 mill. kroner av basisramma i 2017. Departementet føreslår å halde tilbake 150 mill. kroner innanfor skjønnsramma til fylkeskommunane. Av det er 100 mill. kroner sett av til ekstraordinære hendingar m.m. i løpet av budsjettåret (reservepott), mens 50 mill. kroner er sett av til ei tilskotsordning for infrastrukturtiltak i kommunar som slår seg saman. Det er òg sett av 50 mill. kroner av skjønstilskotet til kommunane til denne tilskotsordninga, slik at infrastrukturpotten er på til saman 100 mill. kroner.

Kolonne 4 – Sum rammetilskot 2017

Sum av kolonnane 1–3.